



# 宿舍介紹



# Hall I

Hall I 係科大其中一個由學生會管理同服務嘅宿舍，佢係當中歷史最悠久嘅一個！雖然係有最耐歷史嘅宿舍，但係 Hall I 嘅設施都好新同好齊全㗎～

無論想煮嘢食，抑或同其他宿生交流，每一層都有又乾淨又舒服嘅 Common Room 俾大家使用，仲要全部都有大電視同好舒服嘅梳化添！如果夜晚覺得肚餓，可以嚟我哋嘅宿一宵，入面有好多廉價嘅零食同嘢飲買俾大家。我哋嘅 G/F 都有飲品機同零食機買嘢飲嘢食，飲飽食醉仲可以上 9/F 睇日出嘍！當然啦，除咗宿舍入面嘅設施之外，Hall I 仲有另一個最大嘅優勢，就係最近教學大樓嘅宿舍喇～ 打風定係落雨都無有怕，因為沿路都有互遮頭，唔使怕淋到濕晒之餘，仲可以喺短短 5 分鐘就去到 lecture hall 上堂！



## Hall 2

咁多位 freshmen 你地好，我哋係 UG Hall 2 嘅翹峰 EX-CO。入到嚟大學係咪好嚮往 hall life 呢？但唔知道邊個 hall 係最好玩最好住？咁就等我哋 EX-CO 同你講 UG Hall 2 有咩咁正啦！！Hall 2 嘅



好處非常多，數夠 22 樣俾你聽都得！！Hall 2 有全科大最大 common room、Hall 2 係最溫馨嘅大家庭、Hall 2 有 282 度最大海景、Hall 2 有獨「二」無二嘅店小二啦、Hall 2 有最多活動、Hall 2 唔驚落雨俾雨淋就去到 academic building 上堂、Hall 2 落 seafront 買糖水食宵夜超方便、Hall 2 有最熱血 sport team、Hall 2 最近運動場.....

聽完之後係咪覺得好吸引呢？咁就要快啲加入 Hall 2 呢個大家庭喇！！相信大家係呢度一定會識到一班志同道合嘅 onate 同擁有一個最精彩嘅 u life！！而點樣可以加入我哋呢？方法有兩個，首先我哋係 12/8-15/8 下午 12 點至 4 點會有 ZOOM counter 同大家介紹 Hall 2 同翹峰，我哋仲會同大家傾計同帶大家行 live hall tour 添；其次就係嘅 reg hall period (12/8-15/8) reg 我哋 UG Hall 2 就得㗎喇！！

如果大家仲有咩疑問，歡迎聯絡我哋 EX-CO 同 follow 我哋嘅 social media，咁我哋開學之後嘅 UG Hall 2 見啦！！

Social media : houseii\_vertex (IG)

## Hall 3

Hello, 我哋係香港科技大學學生會冰川社三學生會！UG Hall III 嘅主色係藍色，所以平時只要睇科大見到著藍色衫嘅就係我哋冰川人！UG Hall III 主要係雙人房，而且啲房係科大啲多宿舍中最大嘅。再加上我哋擁有 273 度海景房，所以每年都有唔少人爭入 Hall 3 㗎。我哋宿舍嘅每一層都有一間 Common room，而且都各有特色，例如 2 樓有健身設備、4 樓有露台等。地下個層有洗衣房俾大家洗衣，亦有一間嘍深夜至凌晨開嘅「三多」俾大家買嘢食同嘢飲。UG Hall III 嘅一大賣點一定係個海景，我哋除咗有露台之外，亦有 5 個天井俾大家睇日出，睇到個咁靚嘅日出真係會令大家拋開平時讀書嘅壓力同煩惱。除咗有咁靚嘅日出同無敵大海景房之外，當然唔少得我哋冰川最 Firm 同最 Warm 嘅組爸媽啦！佢哋真係好 Caring 㗎，成日都好照顧啲 Freshmen，當 Freshmen 有啲咩問題，無論係學業上或者係 U-Life 上我哋嘅組爸媽都會好樂意去解答㗎。最重要嘅係我哋會成日搞唔同嘅 Function 俾大家，令大家可以好好享受 U-Life。有啲咁正嘅 Function、咁好嘅組爸媽同埋咁正嘅宿舍，你哋仲唔快啲揀 UG Hall III？我哋等緊你！



## Hall 4

大家好！我哋係香港科技大學學生會， 蕚越社  
嘅學生會喇！我哋係一個宿舍嘅學生會。如果來  
年你有幸住 Hall IV，咁就會成日見到我哋㗎啦。  
我哋作為 ExCo，會陪你玩好多 function 㗎！例  
如有 Singing contest，鬼屋等等。有時又會有  
sports gathering，如果你鍾意玩運動，就一定  
要加入蕚越大家庭啦。我哋更加有打機同讀書



group，大把入陪你玩同讀書㗎。接住落嚟我哋講吓 Hall IV 嘅設施先！我哋 Hall IV 有全科  
大學生宿舍最大嘅 Common Room，亦即係休息室。

Hall IV 有二人房同三人房，特別嘅位係我哋係全科大學生宿舍入面最大㗎，空間大，人都住  
得開心㗎啦！跟住就要講吓我哋嘅老巴㗎！老巴係一間小食店，我哋會以成本價出售各類型  
嘅零食，有媽咪麵，魷魚絲好多嘢食㗎！夜晚溫書溫到有啲肚餓，落嚟老巴就可以買杯麵或  
者零食充飢啦！而且我哋更有街機租借服務，係宿舍有嘢做就落嚟打下機吹吓水啦！入咗  
Hall IV 蕚越就唔使驚冇朋友，我哋每個學期都會有權會活動，俾你接觸 hall 入面每一位蕚  
越人。絕對可以同全棟 hall 嘅人做朋友㗎！大學四年真係好短，眨下眼就過㗎啦！入到大學  
當然要識返班好朋友，留低啲美好回憶。有班人陪你玩下，讀吓書，真係差好遠㗎！「青春之  
所以珍貴，因為他一閃即逝，永不復返。」另外，入咗科大，對於學科上有任何疑問，都可以  
問我哋㗎！我哋 ExCo 嚟自 4 個學院：理學院、工學院、人民社會科學學院同埋商學院。我哋  
作為過來人，一定比都唔少 tips 你哋㗎！有咩關於學科問題都可以問我哋㗎！咁多位，科  
大見！

## Hall 5

社五卓毅, Endeavour, 我哋係科大五個 House 之一。Sports, Music, Unity 呢三樣嘢係我哋 House 獨有嘅文化。Sports 方面, 我哋係歷屆嘅 Joint House Sports Competition 入面獲得十三年霸嘅佳績。Music 上卓毅有自己專屬嘅 Music Room 可以比



Member 免費租用, 仲有 Music Group 比所有人參加, 係舞台上一屆所長。最後, 提倡 Warm and Caring 嘅社五係科大入面最有凝聚力嘅一個群體, 如果想識到一班一齊玩, 一齊讀書, 一齊 Chill 嘅朋友, 卓毅係你嘅最好選擇。

Hall V 係我哋 Endeavour 嘅一個基地, 佢麻雀雖小但五臟俱全, 唔好睇 Hall V 嘅房好似好細, 但係佢每層嘅 Common 都相對較大, 房租亦比較便宜, 我哋 House V 嘅 Exco 會不時係 Hall 舉辦活動, 歡迎所有 Residents 參加, 認識唔同 Year 或者國籍嘅朋友。

Hall V 仲有凌晨經營嘅零食店——五臟廟。夜晚肚餓, 睇或者溫書溫到好劫可以落去地下 Common 搵 Exco 食玩喇 (喇可能唔得) 啱啱入嚟科大的 Freshmen 如果想住 Hall 識揀啦。

嚟緊我哋卓毅會有好多 Orientation Activities, 想參加就快啲去我哋 ig @housev\_endeavour 報名啦!



## Hall 6

科大環境優美，背山面海嘅景色相信都令唔少同學著迷，而居住喺 Hall VI 嘅同學就更加享受到！Hall VI 位於 Seafront Cateria 嘅隔離，想食午、晚餐甚至宵夜糖水等都一應俱全！地理上同真嘅海旁都係相差一少段路，去上堂嘅路途相對遙遠但方便，只要乘搭兩次電梯而唔需要行好長嘅路。而 Hall VI 房間硬件上最特別嘅就係每個房入面都有一個洗手盤，咁就唔洗擔心訓醒要出去廁所同人逼刷牙洗臉啦！亦都因為多咗個洗手盤，所以 Hall VI 嘅房相對比較大嘅，活動空間大啲，無論讀書定玩樂都開心啲啦！



另外，喺軟件上，由於 Hall VI 都比較多 non-local 嘅學生，所以我哋 Connection Team 時不時都會舉辦一啲活動去聯繫大家，希望比大家一個家嘅感覺！例如我哋會係中秋節等節日時分為一眾得閒或因居住外地等原因而暫時無法回家嘅同學舉辦相關活動，如整月餅、猜燈謎等，亦會有大型活動如攻防戰、船 p，所有活動都唔會強制要求大家參與，希望各位可以喺忙碌嘅學習當中 Chill 住咁享受校園生活！

最後，我哋 Hall VI 將會喺 8 月 29-31 號有一個 Orientation，希望可以見到大家！如果對於我哋有任何疑問或有興趣嘅話都歡迎 inbox 我哋嘅 ig @unify.hallvi 或 FB Unify-Hall VI Connection Team，更多資訊可以喺曬果到搵到！

## Hall 7


UST Hall 7 嘅主題色係葡萄紫色，入面分單人房同雙人房，價錢分別係 \$12765/semester 同 \$9485/semester。洗衣房分別有 4 部洗衣機同乾衣機，另外每層有兩個 common room，入面有 2 個雪櫃、2 個微波爐、飲水機，但就沒有廚房設施。如果要入冷氣的話，可以係升降機附近嘅讀



卡器插入科大卡，輸入自己房號同科大卡密碼 (Preset 出生日期) 同埋入嘅。

## 賽馬會大樓 (Jockey Club Hall/TKO Hall)

賽馬會大樓係唯一一個 UST UG 嘅 Off Campus Hall，如果返科大的話可以搭 UST 嘅穿梭巴士。賽馬會大樓嘅主題顏色係咖啡色，入面基本上得



雙人房，價錢係 \$10145/semester。有 Living Room (有微波爐同基本臺凳)、洗衣房 (分別 4 部洗衣機同乾衣機)、籃球場、空中花園同自修室。賽馬會大樓亦都可以用八達通付冷氣錢。

## Hall 8 & 9 (捌玖)

Halls 8 & 9 係科大最新嘅 Halls 入面有單人房同雙人房，FM 就住雙人房，價錢係 \$9485/sem。Halls 8 & 9 最好嘅就係有獨立廁所同沖涼房，唔洗同成層樓共用，又方便又乾淨另外每間房有洗手盆，仲有雲石台，女仔方便好多，男仔都有位放下牙刷剃鬚刀我地仲有好多設施，例如 Dining Room、Study Room 同 Gym Room。洗衣房分別有 10 部新款嘅洗衣機同乾衣機，冇咁易壞入冷氣錢方面只要係 lift 隔離嘅機器入就 ok，唔洗去 barns，好方便。而 Halls 8 & 9 係咁多 halls 入面最近海嘅，仲要有九宮格窗，無敵大海景最靚。如果鍾意同狗狗玩，就更加要住 halls 8/9 啦！

